



Årsplan for Harpefoss barnehage 2023-2024

19.09.2023

Innhold

Presentasjon av barnehagen	2
Å byrje i barnehagen.....	2
Samarbeid mellom barnehagen og heimane	3
Barn sin medverknad.....	3
Satsingsområde – Sør-Frons diamanten.....	4
Samfunnsmandat og verdigrunnlag	5
Leik – og kvifor den er så viktig!	6
Barnehagen sitt innhold i praksis.....	7
Fagområda	8
Progresjon, dokumentasjon og vurdering	9
Kompetanseheving for tilsette	9
Overgang mellom avdelingar.....	10
Samarbeid og overgang mellom barnehage og skule	10
Lov og rammeverk	11
Årshjul 2023-2024.....	11



19.09.2023

Presentasjon av barnehagen

Harpefoss barnehage er ein barnehage med tre avdelingar; Kvitberget, Raudhaugen og Blåbærjell. På Kvitberget skal det dette året vere barn fødd i 2018 og 2019, på Raudhaugen er det barn fødd i 2020 og 2021 og på Blåbærjell er det barn fødd i 2021 og 2022.

Barnehagen har opningstid frå kl. 06.45 til kl. 16.30, og kjernetid frå 9.00 til 14.00. Kjernetid er den tida barnehagen brukar til leik og organiserte aktivitetar, og den tida vi ønskjer at alle barna skal vere i barnehagen. Om barna har fri eller er sjuke ber vi om at føresette legg det inn i appen og sender melding der. Kvar avdeling har frukost frå kl. 7.45-8.30.

Sør-Frons diamanten er eit overordna verdigrunnlag for barnehagen, basert på barnehagelova sitt verdigrunnlag. Dette kan de lese meir om på side 4. Vi har i tillegg eit årshjul som viser oversikt over tema og aktiviteter. Overordna tema i år er nærmiljø og samfunn, inkludering og likeverd. Eg får vere meg sjølv!

Harpefoss barnehage skal vere ein trafikksikker barnehage. De kan lese meir om dette i eige heftet om trafikksikkerheit som blir sendt ut i appen.

Å byrje i barnehagen

Barnehagen skal i samarbeid med foreldra legge til rette for at barnet som begynner får ein god start. I Harpefoss barnehage starta vi opp med foreldreakтив tilvenning hausten 2022. Som del av barnehageoppstarten er det 6 besøksdagar i løpet av våren, deretter foreldremøte for nye foreldre og oppstartssamtale. Hensikten med fem dager med foreldreaktiv tilvenning er at tilsette skal bygge relasjon til barna medan foreldra er tilstade slik at overgangen frå heime til barnehagen blir mindre krevjande for barnet. Bilde under viser oversikt over dei første fem dagane av barnehagestarten (oppdraget gjeld i hovudsak dei yngste barna som ikkje har gått i barnehage før):

Dag 1

- Kort dag – ca. 9/10-14.
- Foreldre er sammen med barnet sitt hele tiden og har ansvar for barnet.
- Samtale om dagen før barnet og foreldrene går hjem.

Dag 2

- Litt lengre dag – ca. 9-14.
- Foreldre har fortsatt alt ansvar for barnet.
- Samtale om dagen før barnet og foreldrene går hjem.

Dag 3

- Ca kl. 9-14.00
- Foreldre er sammen med barnet hele tiden, men kan nå trekke seg litt mer tilbake. Kontaktpersonen tar over noen omsorgsoppgaver, foreldre er med.
- Samtale om dagen.

Dag 4

- Ca. Kl. 8-15.00. Vi tilpasser individuelt.
- Foreldre er tilstede, men overlater mye av ansvaret til kontaktperson.
- Samtale om dagen.

Dag 5

- Ca. kl. 8.00-15.00. Vi tilpasser individuelt.
- Kontaktpersonen tar det meste av ansvaret for barnet.
- Barnet kan være litt alene uten foreldre.
- Samtale om dagen og om første dag alene.



19.09.2023

Samarbeid mellom barnehagen og heimane

Barnehagen er avhengig av eit godt samarbeid med foreldra for å gjere barnehagekvarldagen best mogleg for barna. Eit godt samarbeid mellom barnehagen og føresette også eit viktig grunnlag for eit inkluderande barnehagemiljø. Vi har obligatoriske foreldresamtaler haust og vår. I tillegg har vi oppstartssamtale for nye barn og overgangssamtale med føresette til skulestartere. Vi bruker informasjon frå både formelle og uformelle samtaler med føresette når vi planlegg innhaldet i barnehagen. Vi er spesielt opptekne av å ha tett kontakt jevnleg ved levering og henting, i telefonsamtaler eller andre møtepunkt.

FAU (foreldreråd) er ein svært viktig samarbeidspartner. Alle føresette kan kome med innspel til FAU, slik at saker kan tas opp og vidareformidlast til barnehagen. Kvar avdeling har FAU-postkasse der de kan legge innspel. Bruk gjerne denne.

Vi gjennomfører anonym foreldreundersøking kvart år i november/desember. Dette er ei digital undersøking laga av Utdanningsdirektoratet og føresette får informasjon om innlogging og gjennomføring i byrjinga av november.

Barn sin medverknad


I rammeplan for barnehagen står det at barnehagen skal oppmuntre alle barn til å gi uttrykk for korleis dei syns barnehagen skal vere. Dette er lovfesta i barnehageloven, i Grunnloven og i FN sin barnekonvensjon. Barna skal oppleve at deira innspel og initiativ blir teke på alvor og at det dei uttrykkjer har betydning. Barn har ulike måter å uttrykkje seg på. Det kan vere både muntleg, kroppsleg, ansiktsuttrykk og adferd. Dei tilsette i barnehagen skal ha kunnskap om ulike uttrykksformer og har ansvar for å lære alle barna å kjenne slik at dei forstår barna sine uttrykk og behov. Alle tilsette skal ta barn sine kjensleuttrykk og opplevelingar på alvor. Tilsette skal vere tilstade for barna der dei opplev meistring, men og der dei møter motstand.



19.09.2023


Satsingsområde – Sør-Fronsdiamanten

SØR-FRONSDIAMANTEN



Når vi planlegg og gjennomfører pedagogiske opplegg i barnehagen skal Sør-Fronsdiamenten vere grunnlaget for arbeidet, saman med barnehageloven og rammeplan for barnehagen. Diamanten vil vere utgangspunktet for korleis vi arbeider med formålet og verdigrunnlaget for barnehagen.

Allé tilsette i barnehagen skal jobbe etter verdiane som ligg i diamanten og i barnehagen sitt formål og verdigrunnlag, jfr: Barnehageloven § 1. Gode tilsette som er bevisst sitt ansvar skal vere hovudmålet for verksemda. Sør-Fronsdiamenten skal gå som ein raud tråd gjennom barnehage, barneskule og ungdomsskule.



19.09.2023

Samfunnsmandat og verdigrunnlag

Barnehagen sitt formål eller samfunnsmandat (Barnehageloven § 1) seier at barnehagen skal gje barna moglegheit til å utvikle seg ut frå eigne føresetnader, og ivareta alle barn sine behov for **omsorg, leik, læring og danning** i nært samarbeid med foreldra. Omgrepa heng tett saman og er grunnverdiar i norsk barnehagetradisjon.

Danning kan vere eit vanskeleg omgrep, men det handlar om å lære å tenke kritisk, yte motstand, bidra til endring og delta i eit fellesskap. Det handlar også om å utvikla evne til å reflektere over eigne handlingar og veremåtar. Rammeplan for barnehagen beskriv i kapittel 1, med utgangspunkt i barnehageloven, verdigrunnlaget som skal komme til syne i alle barnehagar i Norge. Dette er:



19.09.2023

Leik – og kvifor den er så viktig!

FN sine barnerettar handlar blant anna om barn sin rett til leik. Leik er kanskje den viktigaste uttrykksforma barn har. Det er derfor ein stor del av vår jobb som tilsette i barnehagen å skape gode fysiske rom for leik, vite når vi skal delta og når vi skal observere aktivt, gje barna felles erfaringer, samt jobbe for eit inkluderande miljø der alle barn får moglegheit til å delta i leik.

For barna er det å få leike heilt grunnleggjande for deira oppleving av at livet er godt. Når leiken glir godt, summar det av trivsel her i barnehagen. Det betyr ikkje at barn som leiker nødvendigvis smiler og ler heile dagen. Når det leikes er det heller ei atmosfære av konsentrasjon, og vi ser at barna er oppslukt av det dei gjer. Dei er intenst til stades mens dei utforsker, skaper, forhandler og later som. Leik er ikkje søtt og harmlaust for eit barn, leik er alvor. Barn leiker nokre gonger for å få pause frå dei harde realitetar, andre gonger for å kjenne på dei, mjuke dei opp, handtere og forstå dei.

Ein sentral del av Sør-Frons diamanten, hjartet, seier at alle barn skal få vere seg sjølv. I leiken vil barna stadig tre ut av seg sjølv og inn i andre roller. På denne måten får barn moglegheit til å eksperimentere med å vere ein annan enn seg sjølv. Barn må forlate seg sjølv for å finne seg sjølv seier ein filosof som heiter Gadamer. Øksnes og Steinsholt (2005) samanliknar leik med ei reise utan fast bestemmelsesstad, som ei konkurranse utan regler eller ei handling utan manus. Barn i leik går sin eigen veg; dei skapar seg sjølve på ein kreativ måte. Gjennom leik utfordrar barn virkeligheten og seier ja til uante moglegheiter. (Steinsholt 1998).


Boltreleik er ein type leik vi vel å trekke fram. For utanforståande kan leiken framstå uoversiktleg og til tider voldsom da barna gjer leiker at dei slåss og bryt med kvarandre, men denne type leik er ein viktig del av barn sin sosiale utvikling. Denne type leik er med på å legge grunnlag for å klare å tolke andre sine kjensler og signaler. Leiken gjev oppleving av å høre til og bærer preg av positive kjensler. Tilsette skal ha kunnskap om slik type leik og rettleie barn som leiker. Det er viktig å vere nærverande som vaksne for å sikre at leiken er lystbestont for alle som deltek. Samt hjelpe barn som øver på reglene til å lære seg desse godt. (Öhman 2012).

Pedagogisk leiar har ansvar for å drive arbeidet med leik og medverknad saman med styrar i tråd med fastsette mål og lovverk.



19.09.2023

Barnehagen sitt innhald i praksis



19.09.2023

Fagområda

Barnehagen har sju fagområder som skal vere gjennomgåande del av innhaldet. Fagområda blir stort sett alltid jobba med tverrfagleg. Det vil seie at i ein aktivitet i barnehagen er det fokus på fleire fagområder samtidig.

Fagområda er:

Kommunikasjon, språk og tekst

Kropp, rørsle, mat og helse

Kunst, kultur og kreativitet

Natur, miljø og teknologi

Mengd, rom og form

Etikk, religion og filosofi

Nærmiljø og samfunn

Eksempler på korleis aktiviteter vi gjer inneheld fleire fagområder på same tid:



Kunst, kultur, kreativitet + nærmiljø og samfunn + kommunikasjon, språk og tekst + mengd, rom og form.

"Bygge islott"

Kropp, rørsle, mat og helse + natur, miljø og teknologi + mengd, rom og form + kommunikasjon, språk og tekst.

"Høste fra naturen, brenneslesuppe"

Etikk, religion og filosofi + kommunikasjon, språk og tekst + nærmiljø og samfunn.

"Prate om og vidareutvikle ei forteljing"



19.09.2023

Progresjon, dokumentasjon og vurdering

Pedagogisk leiar skal i samarbeid med fagarbeidere og pedagogiske medarbeidere sørge for progresjon ved å introdusere nye perspektiv og tilrettelegge for nye opplevingar og erfaringer for barna. Barn må få moglegheit til å utvikle seg, lære og oppleve variasjon. Barna skal få oppleve bruk av ulikt materiell og kjenne glede og mestring over å vere i ein prosess.

Tilsette skal øve på å ha prosessen i fokus slik at den blir målet i seg sjølv og ikkje nødvendigvis eit sluttprodukt som barnet får med heim. Å være i ein prosess i lag med andre er også av stor betydning. Samarbeide om noko. Kanskje jobbar vi med noko som forsvinn av seg sjølv etter ei stund. For eksempel måling med vatn på murvegg eller forming med naturmaterialer ute. Avdelingane må samarbeide slik at dei har oversikt over kva barnet har opplevd og erfart, og på den måten kan bygge vidare på dette ettersom barnet byter avdeling.



Barnehagen skal dokumentere verksemda på ulike måtar. Dei vanlegaste måtane å dokumentere på er gjennom tekst og bilete, men her er det berre fantasien som set grenser. Dokumentasjonen skal dreie seg mindre om enkeltbarn og meir om barn saman og kva dei er opptekne av. Kvar er barna sitt fokus? Kva er vi saman om? Dette handlar også om inkludering.

Dokumentasjon kan vere utgangspunkt for refleksjon og evaluering blant personalet. Den kan synleggjere for føresette korleis vi jobbar i barnehagen og den kan vere utgangspunkt for samtale mellom barn og mellom barn og vaksne. For å ivareta barn sin medverknad bør dokumentasjonane synleggjere barn sin tenkning. Kva er barna si overskrift?

Kompetanseheving for tilsette

Barnehagane i Sør-Fron jobber med kompetanseheving i samarbeid med Ringebu kommune, Nord-Fron kommune og Høgskolen i Innlandet. Vi skal utvikle barnehagen som pedagogisk verksemد og heile personalgruppa skal vere involvert. Framover skal vi jobbe spesielt med ei nasjonal satsing som heiter kompetanseløftet for spesialpedagogikk og inkluderende praksis. Gjennom dette arbeidet skal vi ha fokus på leik og aktivitet slik at vi legg til rette for alle uansett føresetnader. Aktiviteten skal tilpassast barnet, ikkje omvendt. Samtidig skal barnet få utfordre seg sjølv med god støtte frå trygge vaksne. Kompetanseløftet skal bidra til meir og betre samhandling mellom tjenester, «laget rundt barnet». I dette laget er barnet sjølv og foreldra dei viktigaste deltakarane. Sør-Fron kommune har (i tillegg til arbeidet med kompetanseløftet) fått statleg støtte til å sette enda meir fokus på samhandling i kommunen. Prosjektet heiter «Barn og unge i fokus – gjennom god tverrfagleg samhandling i Sør-Fron». «Barn og unge i fokus» skal bidra til eit godt system for tverrfagleg samhandling slik at vi jobber godt forebyggjande og dei barna som treng det får rett hjelp til rett tid. Barnet sin medverknad og familien sin medverkand står heilt sentralt.



19.09.2023

Overgang mellom avdelingar

Det er viktig å legge til rette for gode overganger mellom avdelingane. Sjølv om barnet er kjend i barnehagen kan det kjennes spennande og kanskje utfordrande for eit barn å bytte avdeling. Difor er det nokre punkt vi er opptekne av å ta omsyn til:

- Barna er på jevnleg besøk på ny avdeling før overgang, saman med ein kjend vaksen.
- Dei tilsette må bruke tid på å bli kjend med barna dei skal ha på si avdeling.
- Personalet må gjere seg kjende med nye føresette.
- Jevnleg samarbeid gjennom året slik at barna veit kven alle vaksne og barn er. Eksempel på slik samarbeid kan vere leikegrupper, fellessamling, fellestur osv.

Samarbeid og overgang mellom barnehage og skule

Barnehage og skule er institusjonar for omsorg, leik og læring, men med ulik eigenart. Vi har eit felles ansvar for at barn kan møte ulikskapane mellom institusjonane med nysgjerrigkeit.

Det siste året i barnehagen har vi faddersamarbeid med 4.klasse. 4.klassingane skal bidra til at barna blir kjende med skulen og at alle kjenner nokon på skulen når dei byrjar der. Det vil bli arrangert fleire treff mellom barnehagebarna og 4.klassingane med ulike aktivitetar både i barnehagen og på Harpefoss skule.

Føresette vil få meir informasjon om innhald og datoar for samarbeidet i januar 2024. I mai 2024 skriv vi overgangsskjema i samarbeid med føresette og barna. Barna får samtale med pedagogisk leiar der dei kan dele tankane sine rundt skulestarten.

Vi ynskjer at barna skal få ein best mogleg overgang frå barnehagen til skulen og noko av det vi gjer er:

- Førskulegruppe der ein jobbar med ulike tema og aktiviteter. Det blir fokus på sjølvstende, språk og sosial kompetanse.
- Vanntilvenning på Fron badeland.
- Jevnlege faddertreff, både i barnehagen og på skulen, siste halvår.
- Alpintveke.
- Innskrivingsfest, føresette er med på dette.
- Foreldremøte for 1.klasseforeldra/føresette på våren.
- Fokus på korleis ein kan vere ein god ven, ulikskapar og at alle er verdifulle.



19.09.2023

Lov og rammeverk

Barnehagelova regulerer alle barnehagar i Noreg og er det viktigaste styringsdokumentet vi har. Lova skal sikre barn i barnehage eit likeverdig tilbod av god kvalitet og med tilpassa opplæring. Den set mål barnehagen skal arbeide med i kvardagen. Nytt i lova frå 1.1.2021 er at barnehagar i Noreg no har fått aktivtetsplikt som skal sikre alle barn eit trygt og godt barnehagemiljø. Alle tilsette har ansvar for dette og skal melde frå til styrar om dei får kjennskap til, eller mistanke om at barn opplev krenking og mobbing i barnehagen. Det skal lagast skriftleg plan med tiltak der dette blir vurdert som naudsynt og føresette skal involverast raskt.

Rammeplan for barnehagen (2017) har status som forskrift til barnehagelova og er forpliktande for oss som arbeider i barnehage. Den gjev informasjon til føresette om kva de kan forvente av barnehagetilbodet og skal vere eit reiskap for planlegging, dokumentasjon og vurdering for ansatte.



Alle som arbeider i Harpefoss barnehage har teieplikt etter paragraf 20 i Barnehagelova og paragraf 13-13f i Forvaltningslova. Teieplikta inneber at ingen andre enn dei det gjeld har kjennskap eller tilgang til nokon sine personlege forhold. Med dette menes blant anna opplysningar om fysisk og psykisk helse, familie- og heime situasjon, bo-forhold, økonomi eller klientforhold til det offentlege.

Tilsette i barnehage har opplysningsplikt til barneverntenesta. Tilsette i barnehage skal ha eit bevisst forhold til at barn kan vere utsett for omsorgssvikt, vold og seksuelle overgrep, samt vite korleis ein kan oppdage dette. I §22 i barnehagelova står det om opplysningsplikt: *Barnehagepersonalet skal i sitt arbeid være oppmerksam på forhold som kan føre til tiltak fra barneverntjenestens side. Uten hinder av taushetsplikt skal barnehagepersonalet av eget tiltak gi opplysninger til barneverntjenesten.*

Årshjul 2023-2024

Årshjulet vårt syner månadene i eit barnehageår, men også den samiske åtteårstidskalendere. Ved å kombinere desse i årshjulet vil vi synleggjere at fokus på samisk kultur og tradisjon, og mangfold generelt, skal vere ein naturleg del av det pedagogiske opplegget gjennom året. Årshjulet er utarbeida av personalet ilag. Vi ønskjer å knytte aktiviteter, leik og opplegg til årstider, tradisjonar og kultur, og nytte nærmiljø og natur spesielt. Likeverd og mangfold skal vere ein naturleg del av barnehagekvardagen og alle barna skal kjenne at dei kan vere seg sjølv.





19.09.2023



ÅRSHJUL HARPEFOSS BARNEHAGE 2023-2024

Fokus: Nær miljø og samfunn, inkludering og likeverd - Eg får vere meg sjølv!

